

Levithikusi 24:12 Lendvodzana bayibopha, base balindzela kutsi intsandvo yaNkulunkulu itawutsini kubo ngayo.

Dutheronomi 18:6 "Nangabe umLevi atfutsa kulelinye lalamadolobha enu aka-Israyeli, bese uta ngekutimisela kulendzawo Simakadze layakuyikhetsa,

Ruthe 1:18 Watsi kube Nawomi abone kutsi Ruthe utimisele kuhamba naye, wangabe asachubeka nekumncenga kutsi ancandzeke.

1 Tikhronike 28:9 "Wena-ke, Solomoni, ndvodzana yami, yenta Nkulunkulu weyihlo abe ligugu kuwe, umkhonte ngayo yonkhe inhlitiyo yakho nangengcondvo levumako, ngobe Simakadze uhlolisisa tonkhe tinhlitiyo acondzisise tonkhe tinjongo temicabango. Nawumfuna, utamtfola; kodvwa nawumlahla, naye utakuyekela phakadze naphakadze.

Nehemiya 4:6 Ngako sachubeka salwakha kabusha lolubondza, Iwaze Iwaphakama Iwabasekhatsi nendzawo yebudze balo nase luphelele, ngobe bantfu babenenhltiyo yekusebenta.

Jobe 23:13 "Kodvwa nasancumile yena yedvwa, ngubani longamelana naye? Wenta loko lakutsandzako.

Taga 29:11 Silima siyabonakalisa nase sitfukutsele; kodvwa lohlakaniphile uyatibamba angatibonakalisi.

Isaya 26:3 Wena Simakadze, Iwo lotimiselako ngawe uyamlondvolota, umuphe kuthula nenhlalakahle, ngobe abeke litsema lakhe kuwe.

Makho 5:15 Befika kuJesu bayibona lendvodza lebeyikadze inemadimon, lebeyibitwa ngekutsi nguSibanyenti. Beyihleti phansi, yembetse kahle, isangulukile nasemcondvweni. Betfuka, besaba.

Lukha 8:35 Bantfu baphuma sebayawubona lokwasekwentekile. Batsi beta kuJesu, bakhandza lomuntfu labenemadimon ahleti ngasetinyaweni tajesu, embetse kahle, nemcondvo wakhe sewusangulukile; bonkhe bantfu besaba.

Imisebenti yeba Phostoli 17:11 Bantfu balapho babencono kakhulu kunebaseThesalonika, ngobe livi balemukela ngalenkhulu inshisekelo. Onkhe emalanga babephenyisisa imiBhalo bahlolisise kutsi kunjalo ngempela yini.

Imisebenti yeba Phostoli 20:19 ngikhonta iNkhosi ngekutfobeka konkhe, nangetinyembeti, nangekulingwa lengahlangana nako ngemacebo emajuda.

KubaseRoma 7:25 Akabongwe Nkulunkulu ngeNkhosi yetfu Jesu Khristu! Ngako-ke mine ngekwami ngikhonta umtsetfo waNkulunkulu ngengcondvo yami, kodvwa ngekwemvelo yami ngikhonta umtsetfo wesono.

KubaseRoma 8:6 Kunaka kwenyama kukufa, kodvwa kunaka kwaMoya

kukuphila nekuthula.

KubaseRoma 8:27 Kepha yena lophenya tinhlitiyo uyati kutsi uyini umcondvo waMoya; ngobe Moya uncusela labangcwele ngekwentsandvo yaNkulunkulu.

KubaseRoma 11:34 “Ngubani lowase wati ingcondvo yeNkhosi, nome-ke, lowase waba ngumeluleki wayo?

KubaseRoma 12:2 Ningalilingisi lelive, kodvwa niguculwe ngekwentiwa kabusha kwengcondvo yenu, khona nitekwati kuhlolisisa loko lokuyintsandvo yaNkulunkulu, nikwati lokuhle, nalokwemukelekako, nalokuphelele.

KubaseRoma 12:16 Nibambisane ngamoya munye nonkhe. Ningafisi lokuphakeme, kodvwa nibe nebudlelwane nalabatfobekile. Ningacabangi kutsi nihlakaniphile.

KubaseRoma 14:5 Lomunye umuntfu ucabanga kutsi leline lila libaluleke kakhulu kunalamanye, kantsi lomunye umuntfu ucabanga kutsi onkhe emalanga ayafanana. Ngulowo nalowo kufanele eneliseke ngalokuphelele engcondvwensi yakhe.

KubaseRoma 15:6 kuze kutsi nonkhe ngalivi linye nidvumise Nkulunkulu longuYise weNkhosi yetfu Jesu Khristu.

1 KubaseKorinthe 1:10 Bazalwane bami labatsandzekako, ngiyanicenga ngelibito leNkhosi yetfu Jesu Khristu kutsi nivumelane ngantfo yinye nonkhe; kubete kwehlukana emkhatsini wenu, kodvwa nipheleliswe emcondvwensi munye nasembonweni munye.

1 KubaseKorinthe 2:16 UmBhalo utsi: “Ngubani lowati umcondvo weNkhosi? Ngubani longayifundzisa?” Kodvwa tsine sinawo umcondvo waKhristu.

2 KubaseKorinthe 7:7 Asidvudvutwanga ngiko kuphela, kodvwa sadvudvuteka nangekudvudvuteka kwakhe asemkhatsini wenu. Wasitjela kutsi beninesifiso sekungibona, nekutsi naba buhlungu kangakanani etinhlitiyweni, nekutsi benifisa kangakanani kuma kanye nami. Loko kwangenta ngajabula kakhulu futsi.

2 KubaseKorinthe 8:12 Nangabe umuntfu atimisele ngekunikela, akukabhekeki kutsi anikele ngaloko late kona, kodvwa ubhekeke kunikela ngaloko lanako.

2 KubaseKorinthe 9:2 Ngiyati kutsi nitimisele kangakanani kusita. Ngiko loko lengiyaye ngitigcabhe ngako kubaseMasedoniya, ngibatjela kutsi base-Akhaya bese bavele bakulungele kunikela khona nyakenye. Inshisekelo yenu ibavusele umdlandla labanyenti.

2 KubaseKorinthe 13:11 Kwekugcina-ke bazalwane, ngitsi: Salani kahle. Lungisani imihambo yenu, netsabele kwemukela imiyalo, nivumelane, nihalisane ngekuthula, khona Nkulunkulu wekuthula newelutsandvo atewuba nani.

Kubase-Efesu 4:23 nentiwe nibe basha emoyeni nasengcondvwensi yenu.

KubaseFiliphi 2:2,3 gcwalisani kutfokota kwami ngekutsi nibe mcondvo munye, nelutsandvo lunye, nenhlitiyo yinye, nemgomo munye. 3 Ningenti lutfo ngembango nangeludvumo Iwelite, kepha ngekutfobeka nishaye kungatsi labanye bakhulu kunani.

KubaseFiliphi 4:2 Ngiyabayala bo-Evodiya naSintike kutsi ababe nekucondza kunye eNkhosini.

KubaseFiliphi 4:7 Kuthula kwaNkulunkulu lokwendlula konkhe kwati kutawulondvolota tinhltiyo tenu nemicabango yenu kuKhristu Jesu.

KubaseKholose 3:12 Ngako-ke njengebantfu labakhetsiwe baNkulunkulu, labangcwele nalabatsandzekako, yembatsani bubele benhlitiyo, nesisa, nekutifoba, nebumnene, nekucinisela.

2 KubaseThesalonika 2:2 kutsi ningasheshi nidvungeke engcondvweni yenu, ningefuswa ngumoya nome ngemavi, nome yincwadzi lekungatsi ipuma kitsi. Konkhe loku kunganetfusi kutsi lilanga leNkhosi selfikile.

2 KuThimothi 1:7 Ngobe Nkulunkulu akasiphanga umoya webugwala, kodvwa wasipha Moya wemandla, newelutsandvo, newekutekhuta.

KuThithusi 2:6 Ubayale nalabadvuna labasebancane kutsi batitsibe.

KumaHebheru 8:10 “Ngulesi-ke sivumelwane lengiyawusenta nendlu yaka-Israyeli ngetikhatsi letitako,” isho iNkhosi, itsi: “Ngiyawufaka imisetfo yami etingcondvweni tabo, ngiyibhale etinhltiyweni tabo, ngibe nguNkulunkulu wabo, bona babe sive sami.

1 YaPhetro 1:13 Ngaloko-ke bophani tinkhalo tengcondvo yenu, nititsibe, netsembe ngalokuphelele umusa lenitakwabelwa wona ekwembulweni kwaJesu Khristu.

1 YaPhetro 5:2 Yelusani umhlambi waNkulunkulu leniwuphetse, hhayi ngekucindzetzela, kodvwa ngenhlitiyo levumako njengobe Nkulunkulu atsandza kutsi nente, hhayi ngekunaka inkhokhelo nje, kodvwa ngenshisekelo yekukhonta.

2 YaPhetro 3:1 Bazalwane bami, lena seyincwadzi yami yesibili leginibhalele yona. Kuto totimbili ngetamile kuvusa tingcondvo tenu ngekunikhumbuta, kutsi nicabange loko lokufanele,

Sembulo 17:9 “Loku kubita ingcondvo lenekuhlakanipha: Tinhloko letisikhombisa tingemagcuma lasikhombisa lapho kuhleti khona umfati, tingemakhosi lasikhombisa.